

# DE S. SILVESTRO

A B B A T E

*SILVESTRINAE FAMILIAE*  
*olim Fundatore.*

O R A T I O

D. MODESTO BENVENUTO RECINETENSE  
Monacho Silvestrino, Auctore.

AD ILLUSTRIS. AC REVERENDISS.

D. ALOYSIVM  
CARDINALEM CAPPONIVM  
*eiusdem Familiae Protectorem.*



ROMAE, Ex Typographia Alexandri Zannetti. 1621.

DD. SUPERIORVM PERMISSV.

THE UNIVERSITY OF CHICAGO

LIBRARY

THE UNIVERSITY OF CHICAGO  
LIBRARY

1900

1900

ILLVSTRISS. AC REVERENDISS. D.

D. ALOYSIO  
CARDINALI  
CAPONIO.



D. MODESTVS BENVENVTVS F.



*BI te anno præterito, Illustrissime Princeps, nostræ familiæ Patronum renunciatum accepi; magna fui lætitia perfusus, non enim ignorabam quas ingenij suauitates animique bona possideres; à quibus non solum Patrum purpuratorum studium; verum etiam aliorum tibi comparasti; & nostræ præsertim Congregationis: quam tu nuper strenuè tuendam, ac defendendam suscepisti. Ne igitur ullo unquam tempore huius patrociniij nostrique tibi obrepat obliuio; en tibi monumentum: idest Oratio de Diui Siluestri laudibus à me contexta, cui quotiescumque oculum adieceris; Patris nostri, & læ-*

clis & visis præconijs , fieri non poterit , ut filiorum  
non veniat in mentem ; me unum excipit ; qui vix  
Musarum Sacris initiatus , tibi viro omni disciplina-  
rum genere excultissimo , hanc Orationem , latinis ver-  
bis haud probè ornatam nulloque Rhetorico colore depi-  
ctam , dicare non erubui : erravi : fateor : hac vice tantum  
ignoscas , rogo . Si de integro deliquero ; piaculum mi-  
hi tuo arbitrato impone : quod leto hilarique vultu ac-  
cipiam . Vale .

DVO

D V O E I V S D E M A V C T O R I S  
E P I G R A M M A T A .

De Lupo ad S. SILVESTRI custodiam dato .

**D** V M vitam lucis Siluester agebat in altis ;  
Enigris specubus barbarus ecce Lupus :  
Sistitur ante pedes hominis caudaq; triumphat ;  
Se parat ad magni iussa sequenda Patris .  
Nostrorum non est etas renouata Parentum ;  
Bellua Siluestri dum subit imperium ?

De eodem S. SILVESTRO CHRISTI Cruciatu  
mortemq; acerbissimam meditante .

**I** N Cruce confixum crudeli funere I E S U M  
Aspicias ; & lachrimis ora sinumq; rigas :  
Cernis tot pœnas Cœli subisse Parentem ?  
Extremumq; necis sustinuisse diem .  
Est tibi fasciculus Myrrhæ Christi q; dolores ,  
Dulcior ambrosia nectareaq; dape .  
Veris Apes tollunt violas , floresq; micantes ;  
E tristi succo dulcia mella premunt  
Tu meliora trahis de saua morte Tonantis ;  
Vulnera sunt flores , mel pretiosa salus .

ORA-

# ORATIO



**N**ON me fugit vos omnes Auditores,  
 qui vestra humanitate impulsī; ad  
 me in re litteraria hospitem, & pe-  
 regrinum hodierno die, huc au-  
 diendum accessistis; præclara eru-  
 ditione atque doctrina ornatos,  
 quorum aures atticæ atque politæ  
 vulgaria, & minimè admiratione  
 aliqua digna audire recusant, & propterea quasi parado-  
 xa, & non communia, vt opinor, pro ingenij facultate,  
 sum narraturus, quandoquidem demonstrabo Siluestrum,  
 qui Diuorum in Cælo regnantium æternoque æuo fru-  
 entium numero adscriptus est: quique Siluestrinæ Familiæ  
 quatuor ab hinc sæculis, diuino Numine afflatus, leges  
 dedit: multas ærumnas, & calamitates, in religiosa vi-  
 ta ducenda sibi tolerandas non ignorantem, summam  
 voluptatem percepisse, atque etiam in ijsdem subeundis  
 Tu verò Sanctissime Pater sis mihi quæso apud naturæ  
 Auctorem hominum Parentem, ac rerum omnium mo-  
 deratorem deprecator; vt meæ vires ad hoc munus, à me  
 susceptum pro voto explendum, atque exequendum.  
 valeant.

MOR-



MORTALIVM animi Auditores ,  
tristi nuncio de aliqua sibi re sufferenda  
accepto ; non solum naturæ munere  
nullam ferè lætitiâ capiunt , ve-  
rum etiam summum dolorem , sum-  
mamque sentiunt acerbitem , & adeo  
liqueſcunt fluuntque mollitiæ , vt ani-  
mo quidem , vel fama de Apis aculeo ferendo audita ,  
frangantur . O magnam animi humilitatem atque abie-  
ctionem , quam in Siluestro nequaquam reperietis ; qui  
certior factus , ei qui Deo ex animo se dicare cupit , amaro-  
rum potionem , quam cœlestis ille medicus propinat bi-  
bendam , magna voluptate atque gaudio fuit oneratus ,  
& nihil ipsi longius , quam vt res duras , & asperas Christi  
caussa perferret , videbatur . O paradoxum ex omni sæcu-  
lorum memoria non auditum : quandoquidem omnes  
homines tristi rumore de incommodis , & miserijs , sibi fe-  
rendis audito , tantum abest vt lætentur , vt etiam gaudio  
in exilium relegato , magno mœrore atque dolore exagi-  
tentur , ad quod confirmandum , & roborandum , quid  
refert exempla sexcenta à scriptorum turba collecta , cum  
nobis id omnino sit exploratum recensere ? dicam solum  
mortales alienam mortem , quæ inter calamitates princi-  
pem locum obtinet cum ad ipsorum aures fama , optima  
rerum aduersarum , & lætarum nuncia peruenit lugere .  
Etenim me legere memini Agesilaum , multos in bello  
ciuili

ciuili Grecorum hinc, & hinc in pugna cecidisse audientem, & spartanos esse victores, nullo signo latitiæ dato, sed misericordiæ, ingentem gemitum edidisse. Heu Græciam, dicentem; quæ tot milites bello intestino perdidit: quot ei si incolumes sint, ad debellandos barbaros sint satis, & apud Iustinum litteris traditum esse comperio, Alexandro Macedonum Rege in ipso ætatis ac victoriarum flore extincto, omnes barbaras gentes, paulo ante ab eo deuictas, obitum eius, non vt hostis, sed vt Parentis luxisse. Matrem quoque Darij Regis; quæ ammisso filio à fastigio tantæ maiestatis in captiuitatem reducta; indulgentia victoris, vitam in eam diem odio non fuit prosequuta, audita, Alexandri morte, sibi manus attulisse. Ex quo euidenter patet, homines, ni duri, ac ferrei sint, ad alienas ærumnas, & calamitates deplorandas propensos esse. Quare multò magis miseriarum sibi ferendarum, audito rumore, miserebuntur, lachrymasque præ dolore profundent. Siluestrum excipio; qui cum intelligeret, res aduersas pro nomine I E S V sibi sufferendas: dolore lachrymisque relictis; ad eas, magna latitiæ præbens indicia multorum admiratione, diuitijs nuncio remisso properabat. Inter ipsum verò ceterosque quibus magna est cupido mundanis opibus se ingurgitandi, hoc interfuit: quod ipsorum aliqui ad paupertatis Sarcinam ferendam inepti, discruciantur, & diuitias comparandi gratia, per mare incredibili celeritate; nulla propemodum maritimorum discriminum habita ratione discurrunt. In terris autem; quid non aliqui homines ad congerendas,



gerendas, & coaceruandas diuitias moliuntur ? nonnulli omnem industriam in metallorum venis, in magnæ Matris visceribus quæritandis ponunt : alij in colendis agris : alij in piscando, aut aucupando ; aut vendendo, aut emendo, aut in defensionum laboribus, aut in alijs per multis factitandis, quæ recensere superuacaneum esset. Siluester autem non modo maiores opes, quam haberet, non quæsiuit, verum etiam earum, quibus non medio-criter firmus erat. tanquam fallacium bonorum humanos sensus inani quadam visione pulsantium, & in flagitia impellentium, magis egregius contemptor fuit, quam Democritus, aut maior Scipio : & in paupertate colenda atque seruanda plus voluptatis percepit, quam ex Pactoli opibus Marcus Crassus quibus ipse abundabat ; lydi, Babilonij, & Arabes. Hoc Siluester non acquiescens, patrio solo relicto ; quo nihil est charius, nihil dulcius : Parentibus quoque quorum beneficijs summopere mancipatus erat : ceteris rebus humanis ; quas mortales, non nisi cum dolore suspirijs, lachrimis deferunt ; despectis, & conculcatis : cum spiritum à conspectu Patriæ rebusq; charissimis : idest à congressionibus, & blandimentis amicorum Parentumque complexu, procul ducere in animo haberet : Sylvas, ac Nemora non sine lætitiæ sensu petit. Non ad vmbra sub arboribus captandam ; non ad feras venabulo transuerberandas, truculentas illas, Lupos, Vrsos, Apros, Pardos, Leones. Non ad litteras melius, & commodius perdiscendas instar multorum, qui litterarum candidati ; vt quiëtius, & placidius

B

Musis

Musis operam nauarent , secessus , ac locos omnino silentes quæritarunt : sed ad vitam puram ducendam , atque etiam ad res cœlestes liberius, & tranquillius contemplan- das . Mirum est Auditores nam solitudinem insensam atque odiosam hominibus censeo : quod cum sint anima- lia ciuilia , & congregabilia ad scriptoris magni , & Phi- losophorum Principis sententiam ; & naturæ munere ad colendam Ciuitatem apta ; nihil solitarium amant . Si er- go aliqui ex hominum catu atque frequentia tollerentur ; & in solitudinem quandam collocarentur , etiamsi om- nium rerum , quas natura desiderat copiam , & affluen- tiam haberent ; attamen vitam doloris plenam , & om- nium voluptatum fructus expertem traducerent , eriperetur enim eis hominum videndorum atque aspiciendorum potestas , & quod caput est , degendum esset inter ani- malia ratione carentia , & inhumana ; frigora plusquam caucasæ , & alia multa toleranda . Siluester his non de- territus ; menteq; sibi diuinitus iniecta non deposita ; in solitudinis latebras Deo duce secessit, ad quam cum perue- nisset ; non solum tum gaudio triumphauit : quod hūc verbis ; quæ identidem ipse vsurpabat , planè indicatur ; hoc est : ( Hæc requies mea ; hic habitabo : quoniam eam sæpius mihi Dominus eligendam in somnis ostendit : ) ve- rum etiam in posterum reliquum vitæ spatium non si- ne voluptatum blanditijs , vel in Eremiti incommodis , peregit . Vbi non lenibus tremularum arborum fron- dium , placida flante aura susurris ; dulcibus auicula- rum concentibus : quæ silentio relegato, abiectaue mor- titia,

stiria, implicatis arborum ramis insidentes: nunc voce crispata, nunc in longum ducta; mortales mirificè recreant: non aquis suavi cum murmure de vastis rupibus defilientibus; sed diuinæ voci cordis eius penetralibus verba æternæ vitæ melle dulciora instillanti, patentes atq; auidissimas aures præbebat, Dominus enim, sicut diuinæ litteræ tradunt, animam in solitudinem se ducturum, & ipsam alloquuturum pollicetur, vt Ioanni Baptistæ ad sacrarum litterarum monumenta contigisse legimus; hoc est: verbum Domini super Ioannem in loco deserto factum fuisse. In solitudinem ille, vt gratissimam Dei vocem è Cælo delapsam, votiuus auribus perciperet, proficiscitur: non in forum; in negotiorum mundi turbam, in hominum frequentiam: ita Siluester ad Dei vocem audiendam, summa mortalium cætui salute dicta; in solitaria ac nemorosa loca se contulit. Quemadmodum enim suauissimum Cytharæ concentum audire cupienti; per strepentis populi tumultus fugiendus atque vitandus est: ita Siluester, vt dulcissimam Dei vocem sine vlla molestia atque interpellatione audiret; negotiorum hominumque turba dimissa; ad solitudinem velut ad locum aptissimum confugit. O te felicem Siluestrum; cum non stridulam; & asperam vocem; sed Luscinie, ac Sirenium Symphonia, longe suauiore audieris, qua ipse percepta editaque Auditores, mortales quam plurimos umbratiles, ac delicatos, vitiorum illecebris, & voluptatum lenocinijs deditos, ex multis Orbis terrarum partibus ad solitariam, ac laboriosam vitam agendam Deoque

verè seruiendum traxit : Cuius viri Sanctimoniam ,  
( qua ad præclara , & gloriosa virtutum facinora ipse  
contendebat ) Dæmon humani generis hostis subodora-  
tus retardare nitebatur : nam nocte quadam , prima quie-  
ris hora tam ingentem sonitum strepitumq; in foribus  
lanuæ concutiendis edidit ; vt ipsa multa saxorum gran-  
dine concuti viderentur , non solum semel sed iterum , ac  
tertio ingeminantur ictus : quibus Monachi excitati , mé-  
tu perterriti , ad Siluestrum in diuinis operibus ocium  
collocantem , & rem probè callentem tanquam ad Sa-  
cram Anchoram communi consensu confugiunt , qui rei  
serie audita : non vt miles animo ieunus : qui viso crude-  
li hoste , cum quo est manus conferenda , metu exalbe-  
scit , luget , & præ dolore exclamat ; sed vt strenuus mi-  
les ; qui in pugnando , ac decertando summam indicat  
voluptatem , obuiam Dæmoni procedit : in quem ipse  
acriter inuectus , in fugam atque latebras compulit . Ho-  
ste igitur expugnato , atque victoriæ palma obtenta , ad  
immortales gratias Deo agendas se confert , cui se to-  
tum omnino tradiderat ; ad suum enim corpus aduersus  
effrenatam cupiditatem domandum : quæ instar illius  
Puellæ saltatricis , per omnem corporis aulam , tripudian-  
do nisi interpelletur discurret , vt sensui tanquam impro-  
bo , ac scelesto Herodi amœnitates venerum afferens , ca-  
put innocentiae præcidat : verberum disciplina utebatur ,  
& adeo tenui viuendi victui addictus erat ; vt interdum fa-  
me sitique eneetus ; & præinedia viribus , & corpore amif-  
so ; ad idem recreandum , ac famis molestiam leuandam ;  
non

non menſas Siracuſanas , Aſiaticas ; Deorum cibis , ac ſo-  
uis cerebro inſtructas . Sed interdum crudas herbas , in-  
terdum panem tantummodo eumque hordeaceum : & ad  
ſitis ardorem temperandum aquã frigidam e perenni fonte  
hauſtam : ex qua lepidus criſpantium vndarum ſonus ma-  
nabat , adhiberet , & in his calamitatibus ferendis vo-  
luptatis pruritu afficebatur , cæteri verò dolore , ſupra  
quam cuiquam credibile eſt ; non enim ſum neſcius ho-  
mines quamplurimos , inediæ impatientes ſe ſe , vrbeſq;  
hoſtibus tradidiſſe eos ad manus dandas , non tormenta  
bellica , tonitruorum fragores æmulantia ad muros arie-  
tandos exploſa ; aut magnus hoſtium numerus ; hoſtilia  
tela , robur , fortitudo : ſed inediæ dolor tantummodo  
impellebat . Hac verò noſtra tempeſtate , numeroſam  
hominum multitudinem , inediæ tolerandæ dolorique  
ex ea fluenti , non aſſuetam , quando voluptas fert , nulla  
certa hora præſinita ventrem cibo potuque diſtendere  
non ignoro . Nonne etiam quotidie ſummo mane vide-  
tis imbecillam pauperum turbam , ob cibi inopiam pallo-  
re , ac maciè conſectam , de quo victu ſibi quæritando  
ſolicitam , ad opulentas illuſtrium virorum domus , ſti-  
pem precario cogendi cauſa , ſumma gradus cæleritate  
pergentem , ea vero iſſis aliquando denegata , concoque-  
re non poſſunt , vultu lugubri , ac deiecto diſcedunt : &  
eoſdem homines petulatiſſima interdum lingua conſe-  
ctantur . Cuius nam rei gratia hæc omnia præſtant ? quia  
ieiunij , inediæque dolore macantur : noſter autem eam  
tolerat non ſine voluptate Silueſter . Qui licet nobili

Guzzo-

Guzzolina familia, quæ multa recenset sæcula Auximi in Piceno natus: attamen in solitudine, non ei eleganti cubiculo concamerato atque arcuato opere supra constructo, pauimento infra tessellato atque emblemate vermiculato: & circum circa beluatis tapetijs concinnato morabatur. Quæ omnia cæteri mortales vago quodam, & curioso aspectu contemplantes oculorum sensum multa voluptate pascunt: sed in angusto omnique decore, ac pulchritudine viduato. Vbi haud erat lectus anaclintero, optimæ lanæ stottis referto, linteis tenuissimis; molli pukuino ad caput fulciendum; stragulo textili, & conopeo alexandrino ad pulices arcendos atque expellendos idoneo nobilis, sed lectulus omnino pauper in quo ipse virgente tantummodo durissimo necessitatis telo cubabat; & breuissimo somno peracto ad Cleanthis, & Demosthenis ante lucanas vigilias vincendas, ac superandas appellebat animum, non autem eodem consilio eodemque fine, quo hi permotus, vigilabat Siluester, vt tacitæ precationi, quæ ipsi non mediocriter arridebat, studiosissime insisteret: neque ex longis vigilijs doloris plurimum, sicut cæteris hominibus (quod nemo inficiabitur euenire solet) sed magnam hauriebat voluptatem; nam summa ipsa pietate, ac spiritus ardore Christi humani generis seruatoris actiones, & præclara erga nos merita diu noctuque vigilando, & acerbissimos præcipuè cruciatus, quos idem seruator nostra causa perpeti voluit, non sine magna lachrymarum vi ac spiritus voluptate recolebat. Ergo in peruigilio Christi ad vitam reditus, cum ille decantaretur

tur

est verficulus : *O inestimabilis dilecto Charitatis ; ut Ser-*  
*uum redimeres , filium tradidisti :* de Diuino in nos amore  
attentè cogitans ; tantam spiritus dulcedinem percipere  
consueuerat ; vt non modo vberimas ipse lachrimas fun-  
deret ; sed cæteris quoque ad idem faciendum adiuuaret  
calcaria : acciditq; aliquando , vt eius mens in æterni Pa-  
tris immensa charitate examinanda , ac ponderanda adeo  
esset occupata , qui ea re nobis filium tradiderit , vt aspe-  
ros cruciatus , mortemque acerbissimam pro nobis obi-  
ret ; vt abalienatus à sensibus in alto quodam mentis so-  
pore , aliquo temporis spatio perstiterit . In ea quiete som-  
noque se Hierosolymam delatum , hortum quendam in-  
gressum ; & in eodem religiosissimum Domini sepul-  
chrum ; ibidemq; tres honestissimas fœminas , vestibus  
olorini coloris indutas genibus ante Sepulchrum curua-  
tis , sibi cernere videbatur . Ipse verò sciendi auidus , quid-  
nam tam clara , & illustria Symbola indicare vellent ; Se-  
pulchrum attentiori cura contemplatur : & hanc inscri-  
ptionem à se nusquam lectam , aut auditam legit : *Victo-*  
*rem mortis istæ venerentur in hortis ,* ex quo magna animi  
voluptate fuit perfusus : non enim deformis , & horrenda  
species in somnis ei obiecta est : qualis illa Pausaniæ ,  
Apollodori , & Clytemnestræ fuit : sed pulcherrima , de-  
lectabilis , & multum iucunditatis afferens : quod ex hac  
quoque admiranda sanè Beatissimæ Virginis visione per-  
cepit , à quo multis ipse meritis pro re nata cumulatus ,  
maiori studio ad eam colendam atque obseruandam in-  
flamrabatur , nec eadem Virgo maioribus quotidie offi-  
cijs

cijſ hominem complecti deſiſtebat : Quamobrem nocte quadam vſitatis precibus abſolutis ; leuis quidam ſomnus ex improviſo Silueſtrum aggreditur : ad bethlemi- cas rupes eſſe tranſuectus ſibi videbatur ; & ad Præſepe profectus , Chriſti Domini intemeratæ Virginis filij ; na- talibus inſigne : mox in quoddam templum perductus , ante Aram ſupplicabundus ſterſiſſe : ſupplimenti ſeruatoris noſtri Mater Angelorum corona, claroque lumine ſtipata præſto fuit : quæ hiſce blandis verbis Silueſtrum , eius ad- uentum deſiderio penelopeio expectantem alloquuta eſt : *Et vis ne inquit fili mi Silueſter , corpus filij mei Domini Ieſu Chriſti recipere ?* hoc viſo , & audito Silueſter ; primo co- horruſſe dicitur : deinde cum diſſipatas animi partes rur- ſus in ſuum locum coegiſſet ; magno cum tremore respon- dit : *Paratum cor meum Domina ; paratum cor meum ; ut impleatur voluntas tua in me :* tum illa verè dulcis , & ſua- uis mater manu ſua puriſſima cum cœleſti pane diuinoq; pabulo refecit. O magnam voluptatem, omnes alias com- plectentem , ac ſuperantem , magna quidem voluptas eſt ea , quam viſus à coloribus rerumque aſpectu eundem al- liciente percipit ; auditus à cantibus , ſoniſque ; tactus à rei mollitudine, guſtus à ſuauiſſime, odoratus à fragrantia . Verum omnibus hiſ voluptatibus vno eodemq; temporis momento frui noſtra non eſt in manu : Si enim poma ex arbore eiſdem onuſto , alicui legere non licet ; oculus vi- dendo recreatur guſtus verò torquetur , ac interiore con- tabeſcit , guſtandi facultate ſublata : qui verò piè ac reli- gioſè Sacroſancto Chriſti corpore paſcitur , omnium ſi- mul



mul voluptatum gustum experitur : videt enim Dominum, omnes dilectiones continentem, audit, tangit, gustat, odoratus; quæ quidem voluptates cum ceteris comparatæ melioris longè notæ omnium opinione æstimantur. Fæliciter igitur secum actum esse Siluester arbitrari poterat : & vnde id nisi ex ipsius nocturnis vigilijs euenit? De quibus cum satis dixerimus de Siluestri in vestiando humilitate atque abiectione dicere aggrediamur; non ambiciosi vestibus, quæ superbix vexillum nidusque luxuriæ sunt appellandæ, ipse ornatus erat : quemadmodum Reges, Principes; Dynastæ : qui attalicis auroque intextis, phrygianis, & conthylariis vestibus sunt velati : nec instar Reipublicæ Rectorum, Prouinciarum, & Urbium sericis, vndulatis, damascenis, holo sericis : quæ prætereuntium oculos ad spectandum excitare solet : sed vili crassaque veste, tanquam alter Socrates, vel Epaminondas cooperiebatur : quoniam splendida vestes, & ingentis pretij non solitarijs hominibus : sed eisdem principibus eorumque aulas ambizioso pede, terentibus conuenire sine dubio arbitrabatur : quos à vestium colore : quem singulis ferè diebus commutant tot Camaleontis, & à varia ipsorum forma tot Protheos re Vera dixerimus. Væ ipsis si aliquas culpas subeundi gratia prætiosis vestibus ornantur ; nam continget prefecto eis quod bombycibus : qui ex intimis visceribus tenuissima quæque fila araneorum in volucris similia ducentes : vt sibi vel ædes amplas, vel sericam vestem, aut album linteum : quo inuoluantur conficiant ; nil aliud nisi tenebricosum sepulchrum, in

C quo

quo morte depascentur ædificant : ita ipsis qui de animo  
virtutibus exornando parum , de corpore multum labo-  
rantes , vestibus magnæ existimationis idem corpus in-  
duunt : infelici verò animæ horrendum sepulchrum in  
Orco : vbi graui vulnere à morte secunda accepto , mise-  
rè, & calamitosè pereunt , moliantur : quemadmodum  
illi diuiti bisso purpuraq; fulgenti euenisse sacra Euange-  
lij pagina testatur : Siluester idcirco hæc secum ipse per-  
pendens vestes parui pretij vilesque summo prosequen-  
tibus amore : in quibus gerendis , velut optimus Christi di-  
scipulorum imitator , lætitia incredibili exultabat . Va-  
leant homines quamplurimi : ~~qui crassis vestibus amicti~~ ;  
non sine pudore dolorisque aculeo sui in theatro præsen-  
tiam faciunt : in quorum numero Siluester minimè col-  
locandus est : qui non solum in abiecto corporis indu-  
mento ; verum etiam in multis rebus aduersis ; quæ ipsi  
varijs diuersisque temporibus acciderunt , summam iucun-  
ditatem demonstrauit : præcipuè verò , vt quamplurima  
taceam ; cum ipse aliquando intempesta nocte , lunaque  
silente , dum ad psallendi præcandique munus obeundum  
iret ; Plutonis Inferi fraude nectendis dolis assueri , inter  
descensum quorundam scalarum graduum , præceps per  
eas fuit deturbatus : Cælum densis atque obscuris tenebris  
vallatum , terribile edit murmur , immoderatam aquarum  
inundationem atque alluisionem demittit in terras , cre-  
bra fulgura , & fulmina vibrat , venti horrendo flatu ingenti-  
que fragore ita desæuiunt , vt quasi facto agmine , ini-  
toque sædere , in multarum rerum perniciem , & Silue-  
stri

stri præcipuè conspirare videantur . Vir autem sanctus ; tot ærumnarum pelago iactatus, sauciatus , multisque doloribus excruciat , in lubrico , frigido , & lutulento solo iacet : cuius ceruici mors proprior , quam Tantalo saxum impendet : auxilio Monachorum in choro psallentium , præ rerum prædictarum rumore strepituque nihil audientium , frustra implorato : de gradu tamen in tot molestiarum concursu, in tanta malorum iliade non deijcitur, Marino Vitulo haud absimilis , cui est à natura tributum , vt à turbulentis ventorum flatibus , immoderata seuiente in mari tempestate, ex vndis egrediatur , & caput quatiens , tripudiet ; & præ gaudio huc ; illuc se iactet , procellam irridens : ita Siluester , in suis tristissimis temporibus , in tanta vulnerum tempestate , incredibili erat gaudio cumulat . Cum verò tot calamitatum pondere pressus , diuina indigeret ope ; eandem qua præditus erat vultus hilaritate , minime posthabita ; Beatissimæ Virginis fidem ; à qua , & non aliunde, omnia præsidia , & catenata expectabat beneficia , de more flagitat : quæ ipsius precibus mota , vulneribus medicinam faciens ; in Cellam ; ne minimò quidem temporis spatio inreriecto , eum perduxit ; cui ad hæc mala , hoc etiam quod dicam accessit . Adolescens quidam Fabrianensis , cui nomen seruulo Siluestri familiæ diuino incensus amore nomen dederat : vbi parentes , & propinqui, qui vt animales homines ea , quæ sunt Spiritus Dei percipere non poterant , cognoscunt ; ad Cœnobium armata manu confestim venientes , & ad animum adolescentis ab incæpto remouendum

dum omnes conatus adhibentes, res aliter, atque opinabantur evenit. Etenim ipse parentum blandimentis, & fratrum terculamentis spreus, atque contemptis: quod est fortis, & constantis animi indicium; nihil minus, quam de recto salutis tramite deferendo ac relinquendo cogitat. Rebus ita se habentibus; e consanguineis quidam, audax, impudens, ingenio rigido, & immani; furoris sui venenum euomere cupiens, sublata in medio hominum turba, ac multitudine manuum. alapam Siluestro impingit: quam ipse multo minoris, quam olim Cato, ad iniurias illatas æquo animo accipiendas paratus, impactum colaphum fecit: immo evangelici pronuntiati memor; nulla interposita mora sacrilego percussori alteram maxillam, volenti animo, cædendam præbet, qui turpissima repente lepra correptus; Deo iniuriarum vindice atque ultore ita disponente; meritis sceleris sui pœnas dedit. Hinc Siluestri mansuetudinem, ac tolerantiam in sufferendis iniurijs colligite; & hac præcipue tam insigni: quam accepta (Orem miram) à se non discedit, vultum non mœstitia nubilum; immo lætitiæ serenitate clarum, nullisque iracundiæ nubibus aspersum ostendit: & propterea dicendum est, eum ad summum perfectionis fastigium: quæ in diligendis amandisque inimicis sita atque locata est, peruenisse, & ex quo cæteri mortales dolores plurimum percipiunt, cum multum voluptatis hausisse, qui in multis alijs rebus pro Christo tolerandis gaudio maximo fruebatur: nam delicata corporis habitudine in postremis posita; ad itinera ultro citroque nudis pedibus  
sæpè

sæpè facienda, per montosa, laxosa, & lapidosa loca; hie-  
me vsquequaque rigente; horrida niue dealbata, glacie  
obsessa alijsque Cœli iniurijs, reliquo anni tempore asse-  
cta, eodem lætu vultu; eademque fronte utebatur. Quid  
si eum ex nigro quoque fatidie magnam voluptatem tra-  
xisse intelligetis? nemo non dixerit mortem hominibus  
salutis suæ oblitis, corporis delicijs deditis, vitamque si-  
lentio transigentibus, formidabilem summoque dolori  
esse: ipsi enim ex corporis decoloratione, pedum frigidita-  
te, frontis pallore, capillorum defluxu, labiorum liuore,  
oculorum hebetatione; totius vultus immutatione venarum  
pulsus defectione, & ex animæ e corporis domicilio,  
omnibus membris frigescentibus exturbatione, magnum  
dolorem capiunt. Sancti verò ex hac vita migrantes, ex-  
tra ordinem doloris expertes occumbunt: pretiosa est  
enim in conspectu Domini mors Sanctorum eius. Silue-  
strum præcipuè interrogate: qui cum optime nosset, sibi  
propediem ob præcipitem Senectutem: quippe qui nona-  
genarius erat; & ob ingrauescentem morbum, nam in fe-  
brem læthalem inciderat, ex huius vitæ diuersorio exeun-  
dum: post suorum ad susceptum religiosæ vitæ institutum  
ad hortationem cigneæ voce habitam, sacro viatico cæte-  
risque Sacramentis se munit, ac tamquam Cygnus immi-  
nente iam morte, summa cum voluptate moritur; Cœ-  
lumque magno beatarum mentium sepimento vallatus,  
cum cœlitibus perpetuò regnaturus, ingreditur: ubi non  
fabulosas sitientis Tantalî aquas; quibus immensum sitis  
ardorem extinguendi eidem facultas non datur: sed ve-  
rum

rum cœlestium voluptatum oceanum ad satietatem bibit . Quò si aspirare cupitis Auditores Mundum , qui est turpitudinum gymnasium , vitiarum officina , & omnium virtutum sepultura : spernite diuitias , sunt enim bona fugacia , peritura , caduca , inania : paupertatem amate : quæ huius vitæ curriculo absoluto , omnium bonorum affluentia , vos in patrio Cœlo ditabit : Parentes Christi causâ relinquire , hominum societatem , velut proximas peccandi aleas vitare , ad omnes Siluestrum æmulari spectat , sed ad nos præcipuè , Patres , qui eius institutum sequendum suscepimus . Nos filij demus quæso operam , ne à tanto nostro Diuo , Patrono . Parente *degeneremus* , eius mores , vitam sequamur : ne Siluester , nobis , qui ab ipsius nomine Siluestrini nuncupamur , dicendi ansam arripiat , quod Alexander ille magnus , aduersus quemdam adolescentem eius nomine vocatum , sed malè moratum , pronunciauit : aut nomen mutato ; aut mores : id ne nobis itidem Siluester dicat , pro nostra virili parte , etiam atque etiam prouidendum est .

D I X I.



